



***Zeddel***  
***19. – 21 Hornig 2018***

Dr Wage vo de Zoggelischletzer seit alles us  
Do kunnt dr Hinterscht und dr Letscht au druss  
Mir sin veruggt, hän d Nase voll  
Und finde Baustelle iberhaupt nid toll

Ohni Kirzelwahn kasch kum überläbe  
Mir mache mit; Obwohl s isch drnäbe  
MSFEFV, mir sin fyr e flissige Verkehr  
Und toleriere vo niemerem Gegewehr

Bsuechet ihri Site, händ Frey dra uf  
[www.zoggelischletzer.ch](http://www.zoggelischletzer.ch)

Süüschee:

**MSFEFV - Mir sin fyr e flissige Verkehr**

**MSFEFV das isch d Devise  
Doch jedes Johr, do bikunnsch e Krise**

Hets meh me dene schwarze Lecher  
Und wo-d-aneluegsch sin noch und necher  
D Strosse ufgrisse, d Trottoir ewäg  
Wenn`s dusse saicht, no laufsch im Drägg

Als Autilängger fahrsch hyt dert und morn denn do  
D Beschilderig hän sie yber Nacht ine-gno  
Mir hän die Schilder uf unserem Wage  
So drappiert s isch nid zem sage  
Mir hän sie, und me sehts genau  
Brucht fyr unsere Wagebau

**Die Sändig vo Radio Basilisk  
Hesch stundelang gsuecht nach-e-me Verstegg  
Gfunde hesch denn eins im schiefe Egg**

**Hyt isch`s aifacher als ame deert  
Es git jo e Verstegg, wo zu Basel gheert  
Gumpsch aifach in eins vo dene Lecher  
Denn wie scho gseit, vo dene gits noch und necher**

**Mir wynsche uns zrugg in die alti Zyt  
Wo z Basel gfahre bisch wie de wit**

### **MSFEFV**

**Das wän mir fyr Ma und V(F)rau  
Kei Wachdienscht wo dr Verkehr probiert zregle  
Und trotzdem d Auti fascht in 2er segle**

**D Elisabethe durab und duruf  
Am Steinebärg emol kei Buff  
Obe linggs abbiege und yber d Wettstaibrugg  
D Dufourstross krize ohni Drugg  
Kirchgass, Utegass, Schoofgässli in d Rhygass abbiege  
Vor luter Baustelle kenntisch s Keerble kriege  
Halt s isch 11i in d Rhygass kumm-i nimmi ine  
Ohni e Buess z-riskiere,es isch zem Griine**

**Baustelle, Stolbberstai, Lecher und Verbot  
Alles wo dr Basler Birger aigentlig nid wot  
MSFEFV, mir sin fyr e flissige Verkehr  
Und erwarte vo niemerem Gegewehr**

**Mir wäre jo gärn, und das isch nid glooge  
Nach em Cortège no e weneli dur Basel zooge  
Mir leehn-s lo si, hän aifach kai Luscht  
Und neyme-dure au e weneli Fruscht**

**E Baustell deert und do kasch au nid dure  
I fahr und fahr, bi langsam uf dr Schnuure  
Nur deert woni aigentlig hät ane welle  
Kani dr Wage niene anestelle**

**Mi Träffe oder Date das goht bachab  
Hauptsach Baustelle Stadt-uf und Stadt-ab  
Resigniert fahr ich denn hei  
Hogg vor d Kische ganz elei**

**Doch halt das loss-i mit mir nid mache  
Nid wäg-e-me Vekehrs-Departemänts-Drache  
3 Däg im Jahr heisst Basels Major; Frau Fasnacht  
So isch`s immer gsi, so wird`s au das Jahr gmacht  
Trotz Baustelle und dene mergwirdige Gruebe  
Gits Morgestaich, Wääge, Pfyffergrubbe vo Maitli und Buebe**

**Das leen mir uns sooo nid vermiise  
Und mechte s Departemänt druf hiwiise:  
Die Schilder am Wage sin nume gmoolt  
Mir hän sie nid bi eych abholt**

**Dä Schilderwald, mir wisses genau  
Dient nid fyr unser MSFEFV**